


برنجی سنہ ۱۲۶۷ ہر کون صباحری نشر اولتور انسانیتہ خادم دینی سیاسی عثمانی غزۃ سیدر ۹۷ نومرو



ابونہ فیثانی
ممالک عثمانیہ ایلہ بلغارستان بوسنہ
هرسک مصر ، قبریس
وکرید ایچون
سنہ ۱۲۶۰ آلتی ایلغی ۷۰
غروشدر
استانبول ایچون سنہ ۱۰۸
غروش

فولک
۱۳۲۴



صاحب و مدیر مسئولی
قبریسلی درویش وحدتی
امور تحریر یہ ایچون مدیر مسئولہ
مراجعت اولتور
آدرہ سی :
پرہ باتاندہ ساقی بک مطبعہ سی

اتحاد محمدی جمعیتک مروج افکاریدر

۱۷ ربیع الاول ۱۳۲۷
۲۵ مارت ۳۲۵ ۷ نیسان ۱۹۰۹
چهارشنبه

مطبوعات ، میتینگ هیت عمومی کزله اشتراکی
تمنی ایدره رك کیفیت قبولك برای اعلان اشعارى
متنادر اقدام . فی ۲۳ مارت سنه ۳۲۵

سربستی

وولقان

سربستی* مطبوعات اولیان مملکتلرده
مشروطیت وارد، دیمك ، برملك الداتلمسته
چالیشلق ایستمكدن .

مملكتمزده اولدقجه تحصیل كورنلر .
ثروت و ساماندن محروم اولانلردر . یكى
مطبوعات نظامنامه می ایسه ، اغیر ، اغیر جزاء
نقدیلر ، کلیتی ، کلیتی دیوزبولرله مالاملدر .
بوصورتله ذاتا فقیر اولان مملكتمزده غزیه چیلک
ارتق ثروت ساحارلیت انحصار ایدمك ، وفقرحاله
معروض بولتان اصحاب اقتدار و حیثیت ، مملكته
خدمت ایتمكدن بوصورتله منع ایلدش اوله چغندن
زوالی وطنمز قضیقارالتده یتیشدیردیكى
اولادندن كوره چكى خدمتدن محروم ایدله چكدر
بناء علیه: بزهیئت تحریری كالج جدیدته مذکور
میتینگه اشتراك ایدر وقارنلر منزله كالسكون ايله
اشتراكی توبه ایلرز .

ممالك عثمانیه دن اولان بوسنه هر سك

ولایتلى

بوكونلرده بوسنه وهرسك ولایات
عثانیلرینه دأر استانبول مطبوعاتنده دولت
علیه قابینه سیله اوستریا حكومتی یتینده تقرر ایدن
بیعنامهك مجلس مبعثان عثمانیجه تصدیقی ترویج
یولنده نشر اولان افكار و مطالعه لرده مذکور
ولایتلك مالكبت عثمانیه دن ایتلا قنامهك تنظیمندن
مقدم ذاتا خارج بولندقلى درمیان اولنور .
بوافكار باطله یی تكذیب ایچون زبرده كی ایكى
وثیقهنك جریده مسلمانانه كزله نشر بیورلسی
رجا ایدورم .

برنجی وثیقه

كندی حكومتلى نامه اوله رق عثمانلى
مرخصلى طرفندن ابراز اولان ارزویه بناء
اوستریا و مجارستان مرخصلى ذات حشمت

ایعراطورى وقرالى آيوستوليكك حكومتی
نامه تصریح ایدرلكه: ذات حضرت پادشاهيك
بوسنه وهرسك ولایتلى اوزرنده كی حقوق
حكمرانیسی بوكون امضا ایدله چك اولان
معاهدهك بوسنه وهرسك ولایتلى نه متعلق
ببندده مبحوث عنه اولان اشغال فعلندن
طولایى هیچ برخلی وضرره اوغرامه چق
یعنی مذکور ولایتلر اوزرنده كی ذات حضرت
پادشاهيك حقوق حكمرانیسنه هیچ برزبان
ایقاع ایدله چك و اشغال مبحوث عنه موقت
عد اوله چق و قونفرمك ختامی متعاقب ایكى
حكومت آراسته اشغالك تفرعائه دائر
بر ایتلاف ایتدائی یاییله چقدر .

برلین ۱۳ تموز ۱۸۷۸ امضا:

اندراسی . قورایله هایرنه .
بو وثیقه قویه برلین مقاوله* دولیه سنك
عموماً امضا ایدلمسته ایتدار اوله چقنی ساعتدن
برقاج دقیقه اول مذکور مقاوله* دولیه امضایه
ایقاع ایتك ایچون اوستریا مرخصلى طرفندن
امضا ایدیلوب عثمانی مرخصلى تسلیم ایدلشدر .
باب عالی ده محفوظ بولغنی ضروری اولان
بو وثیقهنك كیزلی طولتلمسچون اووقت باب عالی
ایله اوستریا سفارتی یتینده برقرار مخصوص
احداث اولمشدر .

ایکینجی وثیقه

باب عالی ۱۴ تموز سنه منه

بوسنه وهرسك غاید اولان بیان و تصریحی
اوستریا مرخصلندن قویارمق ایچون لطف ایلدش
اولدقلى مساعدن طولایى باب عالی نامه ذات
دولتلى نه خالصانه تشكر ایدرم . اشغال منا
سببها اوله انقادی لازم كلان تدایر و معاملات
متعلق بزمله بر ایتلاف ایتدائی عقد ایتكی
قوت اندراسيك قبول ایتدیکنه دائر بر تانرا -
قنامه سنك صورتی قوت زینجی (سفیر) دون
بكا تسلیم ایلدی و بو بایده بزمله بر مقاوله
عقدینه آماده كورنمكدنر اه -

بوايكینجی وثیقه او وقتك صدر اعظمی
برلین قونفرمسنده دولت عثمانیهك مرخصی
بولنش اولان قره طودورى پاشایه تفرافله
كشیده ایتش اولدیفنی رسى بر تشكر نامه دن

عبارت ایسه ده قیمت سیاسی اربابی عنده
فوق العاده اولمق لازم كله چكى بدیهی در .
بو وثیقهنك عندالایجاب خصمه غلبه یی نامه
كافی اسلحه سیاسیهدنر .
استدار جزا محكمه سی رئیس هر سكى
رشدی

فریاد

ای شیخ الاسلام افندی ای وزیر معالی
سمیر ! بیلیرك: علماء کرام و فضلاء ذوی
الاحترام ، شان مشروطیت مزله متناسب اولیان
وادی استبداده بوغیلوب کیدیور .! انظار
منصفانه مزى بریار چه ده بونلرك جای سلامت
طوغری عطف ایلدش اوله چق و نظیفه معد
لغزى ایضا ایتش اولورز . رجا ایدرز ، مقتدایه
انام اولدیفمز نظر دفته الهرق تنسیق قمتزى
هر دائره دن اول یاغنه اغمز ایجاب ایغزى ایدی؟
قومیسون نمایورینه غدر ، ینه استبداد .
والی الله المشتكى ۲۴ مارت سنه ۳۲۵

بایزید در سماعلردن

اردوی

عثمان بدرالدین

علماء کرام حضراته

بوكون ساعت التیده بایزید جامع مشرفنده
اجتماعكز رجا اولنور ۲۴ مارت سنه ۳۲۵
بایزید در سماعلردن
اردوی
عثمان بدرالدین

اعلان

نام عاجز نامه مخصوص عسکر تذکره می
ونفوس کاغذی قضاء ضایع ایلدیکمدن هر کیم
بولدی ایسه کوچك بازارد عطار و توتونجی
حافظ محمد افندیك دكانه براغلاماسی انسا -
یت نامه رجا اولنور .

حیدر پاشا خسته خانسی افرادندن مستبدل

قیصری: محمد ابراهیم

قبریسلى درویش وحدتی

احمد ساقی بك مطبعه سنده طبع اولمشدر